

求恕齋
叢書

雪橋詩話

十二

雪橋詩話卷第十二

遼陽楊鍾義撰集

吳興劉承幹參校

承子久廉使裕瑚魯氏久淹郎署以咸豐壬子出守黔
南籌防守策軍興閒關夷險垂不獲濟遺集曰大小雅
堂詩四卷冰蠶詞一卷五言如與東敷柏春夜話云少
孤更事早身賤感恩多冬日雜感云明珠聞徙郡彊弩
不迎潮獨山書事云野穫逢人少村舂入夜遲寄弟子
正承端子韋承佩云誰持司馬法彌覺樂羊疏時因清
水江軍潰落職効
蠅云點白殊人意趨炎亦物常七言如句當
力軍中

播事甫定喜晤莫邵亭友芝云詩格舊傳無已似儒林
今見道真來憶女云亂後勲名羞伐閱病餘筋骨識陰
晴臥病延黃曉華茂才覲光賦贈云炙眉艱苦傷淹滯
遺矢傳聞任是非詠史云向人解作宣明面下士難期
秀實頭和人韻云虛勞貝錦千迴織未礙龍淵百鍊堅
皆纏繇悱惻有少陵忠厚之遺彼時外侮內賊相繼竊
發南自嶺嶠江淮北極宛洛燕晉海內騷然其憂生念
亂睠懷家國蓋深得乎變雅之意者也世但知其工詞
以之上繼飲水殆未窺其全豹

予八早歲侍宦滁州壯還燕市所作風華流麗出入初

唐馬湘蘭浮生半日閒小印拓本拜都兼山通守岳昌
屬賦云赫蹏紅沁桃花凍阿誰會補吟箋空金粉難招
舊日魂繁華易醒浮生夢板橋羅綺競風流故物猶誇
十二樓姓豔千金燕市價名含九畹屈騷愁瓊姿濯濯
拖春柳不道消愁能仗酒酒是消愁物能消
幾個時湘蘭句拈毫初學
管夫人活色生香矜妙手花花葉葉自春風鸚鵡呼茶
卯醉中倦向棗花簾底坐待兒鈴出十分紅歡場名重
閒難得斂鸞煮鶴無顏色賴有朱旛一片心許將彩鳳
雙飛翼江湖從此契兄呼湘蘭爲王伯穀
作畫署契兄臂上綢繆印
有無老去朝雲惟懺佛恩深西子久留吳書生命薄原

同妾

伯穀句

何須打槳來迎接白髮王昌舊有情紅妝季

布仍輕俠介壽秋張玳瑁筵衣香人影望如仙金尊檀

版成千古繩榻蒲團已七年彩雲化去花飄泊斷縑賸

墨悲零落一曲休歌白練裘三生甘罰銀河鵲

祇堪罰作銀河

離伯穀挽

綠窗已歇墜釵聲秋影流傳太瘦生無限傷

湘蘭句

余家藏畫蘭一幅識楚辭語

貼梅不羨董雙成

董小宛有貼梅扇子

酒閒見此增惆悵燕支買得摹新樣綺語消磨玉鏡塵

猩紅照耀襄陽舫記向妝樓佐麝談未隨麗骨葬江南

君不見斜陽紅豆秋風路過客猶尋孔雀菴

子久夜坐東抑菴云坐遲纖月落河漢耿虛庭身世看

寥廓秋心接杳冥
暗荷藏宿鷺密篠聚風螢
悵望城東客耽吟想獨醒
抑菴名恩隆字星伯夢禪居士孫道光
乙巳進士觀政刑部襲輕車都尉累官參領能爲六朝
小文其演連珠四首與子久同作拜都多才此其翹楚
兼山官湖北通守爲抑菴諸父行工繪事有桑陰家法
子久嘗乞作萬柳堂展禊圖

大小雅堂詩集絕句亦多佳作貧甚云門外空餘長者
車書殘乞米向誰家陸郎本自難衣食跣腳西窗看晚
霞聞笛云舊游聞此不勝情憶泊珠江月正明畫舫紉
簾三十里如今徧換暮笳聲東松亭水部云歲晚滄江

百事疏茂陵風雨憶相如文章海內流傳徧誰問當年
諫獵書黔西道中云奢香墓前山鳥唳烏須鎮畔霜楓
淒瀟瀟一夜西谿雨破曉看雲向水西

刺梨一名送春歸惟黔有之見冰蠶詞注

戊午除夕羅汝懷念生與兄羅江秋浦同和東坡岐下
歲暮寄子由三詩序謂二蘇此詩和者蓋寡西涯有作
見懷麓集何緩叟云曾別見一作而忘其主名觀樂城
詩注其詩作於壬寅是爲仁宗嘉祐七年時文忠文定
同舉進士授官未久年在三十以前詩中乃兢兢於衰
老壽考蓋志士惜日深懼時逝雖春秋鼎盛名位鵲起

不自矜恃可謂能得二蘇詩意者矣念生子登伯宜與
蜩叟郭筠仙俱有和作蜩叟詩云兄弟到白頭急難得
扶佐一夕有聯牀千金等奇貨歎從軍興來浩劫波濤
大人閒好兄弟離析失饋臥忽誦吟蘇篇坡穎宛同座
友于相感觸別緒互研磨痛哉我羣從性命刀頭過生
還豈偶然墳簾且賡和叔季歲暮歸阿兄歸獨遲音書
久阻隔蹤迹忽逐追奇哉此一聚昨日猶天涯回憶同
屋歡尙在具慶時悠悠廿餘年壯老殊瘠肥俛看羣稚
喧足遣三翁悲憶昨團年飲各有祀竈辭我方風雪行
祇益鬢毛衰僦居得華構添足啗畫蛇不如自家屋把

茅頭上遮典衣易好米衣盡將如何不如置薄田亦免
越畔譁城中苦煩擾厭聽官鼓撾幾時田閒去聽水至
日斜諠諠語叔季此計休蹉跎藏書課兒孫百城猶可
誇筠仙詩云勞病精力疲藥力强扶佐旌麾出走卒仕
宦論錢貨撫時成百感計拙憂逾大飽食媿無營瓶盎
牆頭臥君詩翩然至翕翕風生座我心轆轤轉前事入
研磨今年梁上燕何處明年過遺山有苦語千載聊一
和年光歷少壯微分速與遲二十所歷長四十苦莫追
人生百年盡吾年豈有涯未知後來年視今幾何時手
種芭蕉叢秋枯春更肥莎雞牀下鳴惻惻徂年悲君看

長江水去與厓岸辭烈士心逾壯窮途年已衰天道尙
逶迤一龍復一蛇海樓葉如雲屋小陰交遮聲名徒爲
累勤思將如何不如君家讌兄弟聲騰譁前年星鬪野
揮軍揚馬撾今年見彗星屋角光橫斜皇天與世人所
行盡蹉跎君詩一家則猶足相矜誇緩叟晚主城南講
舍意不自適乃縱迹吳越左文襄嘗咎湘中承學之士
無以安長者筠仙晚以侍郎出使英法諸事齟齬以病
乞歸二公學問文章皆在同時諸公之上而功名凌躐
乃多出於不持寸鐵之人從軍歸者鮮衣怒馬日事讌
集囂淩滋甚不能成教於家遂使後生小子不安於塾

勤樸謹厚之風日漓敢爲大言流爲邪說而老輩之風
範盡矣

何緩叟顧先生祠詩云亭林先生祠小子始營繕繁惟
城西偏慈仁森佛殿當時寺市集萃圖卷國初諸
老儒買書乘暇宴先生結契廣僑寓直鑪扇至今雙松
下彷彿見遺研承平二百載光陰若流箭古碣餘斷龜
空梁墜飢燕我卜隙地寬謂可靈爽奠諸公聞此議合
作相呼忭畚鍤猥見屬木璧自遴揀刪蕪出古樹明月
夜來冒崇崇屋三楹爛爛秋一片落成奉遺像覽揆潔
盟薦肅然道義容警我塵土賤車徐譜歲月張子重論

謾江南大河北餘韻蒐討徧

張石州據車秋船徐星翁所撰亭林年譜合爲定本

增益辨正甚博且精攜稿至山

勒記待貞珉儀徵濡老

東江南蒐得遺事詩文頗多

硯阮相國師記文尙未寄到冬霏條已飄春鷺復來疇次第皆識職

初終矢無倦持衡

恩命被萬里指羅甸

五月一日紹基奉命主

試貴

登程復過祠仰止有餘眷溯惟明代末世苦龍蛇

戰氣節誠乃隆兵將多不練小儒獨何爲俗學爭相煽

語錄飾陋窳詞章鬪輕倩先生任道堅千古緣後先研

窮經史通曠覽天人見鬱積忠孝懷慘澹時世變同時

顧李閭驂靳隨勒鞬餘子因人成鞭鐙亦相戀經心執

聖權首啟 熙朝彥兵刑禮樂尊九數六書衍漢宋苞

羣流周孔接一縷精光爍日星果力策雷電自非菰中
人孰開眾目眩欽惟 純廟年四庫盛編纂萬軸歸文
淵千士萃祕苑儀徵實後至草創儒林傳論學采源流
全編有冕弁諸儒始相驚 乙覽大稱善

阮師撰國
史儒林傳以

先生元氣入人心史筆非私擅小子雖懵學遺書早窺

眄洎與修史職讀傳生歎羨從來聖道大青史資爛絢

微言察天地正路化狂狷功名與文章因時見陶鍊惟

茲下學事萬古有繼禪儒林道學分宋史妄矜銜六藝

天道樞

班書儒林
傳語意

傳例重班掾先生冠儒林狂瀾植厓

堰君親鑒吾身學行須貫穿願從實踐入敢恃虛談便

且當語黔士庶弗規爲瑱再拜別先生歸來已寒霰按
先生以康熙七年在都寓慈仁寺道光二十三年夏子
貞勿資爲先生建祠堂於寺西偏隙地一區架屋三楹
几筵禮器悉備歲春秋致饗祀焉二十四年落成二月
十四日公祭張石舟撰祭文五月二十八日先生生日
祭文亦石州所撰先生由淮陰渡江歸唐市萬年少嘗
爲作秋江別思圖卷子初歸休寧程孟嘉易疇徵君爲
作跋後歸蔡友石太僕丁未冬太僕子小石司業見石
州所撰亭林年譜載有此圖出卷索題子貞手摹一本
置之亭林祠堂後此卷爲人取去同治閒祁文恪物色

得之復歸祠中

黎雪樓歸自桐鄉多蓄典籍鄭子尹以甥行學於舅家
嘉慶己卯自天旺依外祖靜弼公斤竹谿上讀書恆達
旦夕肘不離案衣不解帶甕安趙禹門孝廉本敖贈句
云人因好讀老家爲買書貧旣受知於程春海侍郎侍
郎曰爲學不先識字何以讀三代秦漢之書乃益致力
於六書三禮以經莫難讀於儀禮昏喪尤人道之至重
則爲儀禮私箋八卷古制莫晦於考工則爲輪輿私箋
二卷及考工鳧氏圖說小學莫尊於說文以段嚴二家
之說纂備則爲說文逸字二卷說文新附考六卷奇字

莫詳於郭忠恕汗簡而謬說實多則爲汗簡箋正八卷
以道光丁酉舉於鄉三爲教官所學旣不見於用才氣
贍裕溢而爲詩晚號柴翁經營子午山廬於墓次山在
遵義縣樂安江東岸有子午山雜詠十八首居貧尙孤
介學業志行服膺康成自壯歲卽喜搜掇康成雜事嘗
舉示其子知同曰康成爲漢學之宗宜有年譜纂次生
平第世越千六百餘年載籍淹淪存者僅一史傳而趙
商墓碑某氏別傳諸文皆不復可得覩其佚難時時見
他說要事實之失傳者或多矣然其出處大節范氏已
具綱領若薈粹諸書遺文因傳條列而參稽之固自縱

蹟宛然靡所闕略又所著書見隋唐志及羣籍者凡數十種最稱詳夥雖文十有八九不存其目儼在而其門人之顯著者爲名臣爲通儒下至名氏足徵者猶數十人是皆後學所宜知因綜核軼事傳麗傳文用推究其始末旣按之撰譜而編書籍與弟子附焉同治甲子卽世唐鄂生刊其遺書黃子壽先生爲之參校取鄭志鄭記之例題曰鄭學錄其巢經巢詩鈔招張子佩云世儒談六經孔子手刪正安知口所讀皆屬康成定念昔諸大師剗躬守殘賸微公集厥成吾道何由徑眾流匯北海乃洗秦灰淨師法千年來儒者各涵泳未聞道學名